

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

07.03.2018թ.

ք.Երևան


Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Վանո Ափոյանի դիմումի շուրջ ստեղծված նյութերը,

Պ Ա Ր Զ Ե Ց Ի

2018թ. փետրվարի 6-ին Շիրակի մարզի Արթիկ քաղաքի Րաֆֆու փողոցի 1-ին տան բնակիչ Վանո Ափոյանը դիմել է այն մասին, որ ստացել է վարչական տույժ նշանակելու մասին ԱԴ 438682 որոշումը, որի հետ համաձայն չէ, քանի որ նշված հատվածը, բացի մայթից նաև ճանապարհի է, որը տանում է դեպի կողքի շենքերի բակ, սակայն ինքը չկարողանալով մտնել շենքի բակ, շրջադարձ է կատարել, որի ընթացքում ճանապարհային ոստիկանության տեսուչը նկատել է իրեն և մտածել, որ կայանում է ավտոմոբիլը, սակայն ինքը նույնիսկ ամրագրտին անջատած չի եղել, իսկ ավտոմոբիլի շարժիչն եղել է միացված: Դիմումատուն նշել է, որ ունի երկու վկա, որ ավտոմոբիլը կայանված չի եղել, ինչպես նաև այդ ամենը ֆիքսել են տվյալ հատվածում գործող բանկի տեսախցիկները, որոնք կարող է տրամադրել:

Դիմումի ուսումնասիրությամբ պարզվել է, որ 2018թ. փետրվարի 3-ին Սայաթ-Նովա պողոտայում «Մազդա» մակնիշի 61 QQ 061 հաշվառման համարանիշի ավտոմոբիլի վարորդ Վ.Ափոյանի նկատմամբ ճանապարհային ոստիկանության ճՊԾ 1-ին սպայական գումարտակի 7-րդ սպայական դասակի տեսուչ, ոստիկանության կապիտան Ռ.Պետրոսյանի կողմից կազմվել է վարչական իրավախախտման վերաբերյալ արձանագրություն՝ ավտոմոբիլը մայթին կայանելու համար, և համաձայն ՀՀ ՎԻՎ օր-ի 124-րդ հոդվածի 27-րդ մասի կայացվել է ԱԴ 438682 որոշումը՝ վերջինիս 20.000 դրամ տուգանելու մասին :

Ճանապարհային ոստիկանության ճՊԾ 1-ին սպայական գումարտակի 7-րդ սպայական դասակի տեսուչներ, ոստիկանության կապիտան Ռ.Պետրոսյանը և ոստիկանության ավագ լեյտենանտ Մ.Կոստանյանը, գրավոր բացատրություններով հայտնել են, որ 2018թ. փետրվարի 3-ին ծառայության ընթացքում, ժամը 18:05-ին Երևան քաղաքի Սայաթ-Նովա պողոտայում նկատել են «Մազդա» մակնիշի 61 QQ 061 հաշվառման համարանիշի ավտոմոբիլը, որի վարորդն այն կայանած է եղել մայթին: Նշված ավտոմոբիլին մոտենալուց հետո, Մ.Կոստանյանը մոտեցել է վարորդին, ներկայացել, պարզաբանել թույլ տրված իրավախախտման բնույթը, պահանջել փաստաթղթերը, որոնք փոխանցել է Ռ.Պետրոսյանին, ուն կողմից վարորդի նկատմամբ կազմվել է վարչական իրավախախտման վերաբերյալ արձանագրություն, և կայացրել վարչական տույժ նշանակելու մասին ԱԴ 438682 որոշումը: Վարորդը ծանոթացել է կազմված արձանագրությանը, իրեն հատկացված տեղում գրավոր նշում կատարելուց հետո ստորագրել այն, այնուհետև ստորագրել ստացել է



որոշման պատճենը: Տեսուչները գրավոր բացատրություններով հայտնել են նաև, որ, երբ մոտեցել են նշված ավտոմոբիլին վարորդը գտնվել է դրսում, իսկ ավտոմոբիլի շարժիչն եղել է անջատված: Դիմումի քննարկման ընթացքում տեսուչները ներկայացրել են վարորդի կողմից թույլ տրված իրավախախտման տեսագրությունը:

2018թ. փետրվարի 2-ին, իր դիմումի քննարկմանը մասնակցելու նպատակով, քաղ.Վ.Ափոյանը հրավիրվել է ճանապարհային ոստիկանության ՃՊԾ բաժին, որտեղ գրավոր բացատրությամբ պնդել է դիմումում նշված հանգամանքները և խնդրել է քննարկման արդյունքների մասին իրեն հայտնել գրավոր: Վ.Ափոյանը գրավոր բացատրությամբ հայտնել է նաև, որ իր կողմից նշված տեսագրությունը չի կարող ներկայացնել, քանի որ չունի, այն պետք է ծեռք բերի բանկ դիմելուց հետո, իսկ վկաների ներկայանալու անհրաժեշտությունը չի տեսնում:

Այսպիսով, կատարված ուսումնասիրություններով պարզվել է, որ Վ.Ափոյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 27-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

#### Ո Ր Ո Շ Ե Ց Ի

1.Վանո Ափոյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 7-րդ սպայական դասակի տեսուչ, ոստիկանության կապիտան Ռ.Պետրոսյանի կողմից կազմված վարչական իրավախախտման արձանագրության հիման վրա 2018թ. փետրվարի 3-ին կայացված ԱԴ 438682 որոշումը՝ Վանո Ափոյանին քսան հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

Կտարող իս.Սամվելյան  
հեռ.011-567944



Ե.Կարապետյան